



COLEGIO ARUBANO

R.K SCHOOL VOOR CICLO BASICO,
CICLO AVANSA, V.W.O EN H.A.V.O.
VONDELLAAN 14
TEL. 5822005 / 5822684 / 5831373 / 5828930
FAX: 5832676, ARUBA
E-mail: info@colegioarubano.aw

Na e alumnonan di Colegio Arubano y
Nan mayor(nan)/cuidado(nan)

Oranjestad, 22 di september 2025

COLAUA: 2025/2026-020

Asunto: Rooster CP1 y SE1 y otro participacion

Apreciabel mayor/cuidado, alumno,

E prome periodo ta casi tras di lomba. Esey ta nifica cu pronto e CP'nan y e SE'nan lo cuminsa. E periodo di CP/SE lo tuma luga for di **dialuna, 29 di september te cu dialuna, 6 di october 2025.**

Adhunto e rooster di CP/SE. Tambe lo publica e rooster aki riba nos website <http://colegioarubano.aw>. Pa e contenido di cada materia di CP consulta e PLTnan cu tambe ta obtenibel riba nos website via <https://bit.ly/PLTs25-26>. E material di SE ta den e buki di SE, cual e alumnonan a ricibi via mail y naturalmente tambe ta riba nos website.

Puntonan di atencion durante CP/SE

- E intencion ta cu despues di CP tur alumno ta inicia nan studiamento pa e siguiente dia di CP/SE.
- Durante e periodo di CP/SE, tur regla di scol ta keda valido. Principalmente e reglanan relaciona cu uniform.
- Si e alumno ta ausente durante e periodo di CP/SE, mester haci lo siguiente:
 - E mayornan ta raporta nan yiu malo prome cu 8:00 am, door di yama scol of door di yena e formulario riba e website:
<https://bit.ly/maloziek>
 - E alumno ta raporta fisicamente na Medwork prome cu 10:00am.
 - Unabes bek na scol, e alumno ta entrega e carta di Medwork na secretariado di scol.
 - Si no tin motibo valido pa ausencia, e alumno ta haya e cifra 1 pa e CP/SE cu e no a traha.

Dianan di inhaal di CP y SE

Esnan cu pa motibo valido no a traha CP of SE durante e siman di CP/SE, por recupera e CP despues di a entrega e carta di Medwork. E dianan pa recupera CP ta para riba e rooster. E fechanan di recuperacion di SE ta para den e buki di SE. E recuperacion di CP/SE ta tuma luga despues di scol. Pa participa na e recuperacion di CP/SE, e alumno mester ta na scol den dia y a sigui tur su lesnan segun rooster riba e dia di recuperacion.

Procedura di Medwork

1. E alumnonan cu pa motibo di enfermedad ta haya nan stroba di participa na un CP, mester raporta fisicamente e mesun dia, entre 8.00 y 10.00 am na Medwork.
2. Bistimento di tapaboca ta opcional, solamente si e alumno no tin sintoma di griep.
3. E costo di e consulta na Medwork ta Afls. 35.00 y tin cu ta paga door di e alumno of un mayor. Por paga cu carhi di banco na tur dos locacion, pero por paga cu efectivo tambe.
4. Na e cita, e estudiante mester bin cu un ID valido of e carnet di scol.
5. Medwork Caribbean N.V. no lo sumistra niun informacion tocante e alumno na tercer persona.
6. Despues di control, e alumno lo haya un declaracion firma pa e dokter di Medwork Caribbean N.V, cu a control'e, den cual ta indica:
 - si e alumno pa motibo di e enfermedad por participa na CP/SE of no;
 - e duracion di e malestar.

Medwork su localidadnan ta na Tanki Flip y San Nicolas (Bernhardstraat 101).

Oferta Openbare Bibliotheek Amsterdam, OBA

Den un carta anterior por a lesa cu tur e alumnonan menor di 19 aña cu ta desea esaki, por bira miembro di OBA gratuitamente. E alumnonan cu no a ricibi acceso ainda, lo obtene esaki pronto. OBA ta pidi boso atencion pa e siguiente linknan:


- Siña online: <https://www.oba.nl/cursus.html>
- Consejo pa ora di lesa: <https://www.oba.nl/leestips.html>

Vakantie di october

E periodo di vakantie di october ta cuminsa dialuna 13 di october y ta dura te cu diabierna 17 di october. Durante e vakantie di october administracion di scol lo ta cera. Boekenfonds y e oficina na Byronstraat lo ta habri durante vakantie.

Den nomber di tur docente, miembro di rectorado y directiva, mi ta desea tur alumno hopi exito den e periodo venidero.

Cu un saludo cordial,



Endrah Richardson Gumbs
Algemeen Directeur SVOA / wnd. Rector